



大明宣宗章皇帝實錄

宣德八年秋七月壬子朔享

太廟遣中官祭司門之神河南府宜陽永寧二

縣奏蝗蝻生命行在戶部遣官督捕

癸丑

召湖廣長沙府知府李郁赴闕貴州布政司右
布政使王敏被召至調陝西布政司右布政使

甲寅

增置戶科給事中戶部廣西清吏司主事各一員
專理南京後湖所貯黃冊 又有流星大如雞彈

色赤有光出傳舍南行至女水

丙辰

四川宜賓縣民言四川筠連茶課司自洪武至永樂間所徵茶課積至三百餘萬斤歲久不堪市馬別無支用虛占四百餘人守視乞准戶口食鹽給與附近軍緡有司從之

戊午

賜朝鮮國及撒馬兒罕等處貢使宴進士趙縉言河南彰德府安陽縣舊有廣惠等渠洪武間亦嘗修浚軍民田作獲利甚多近山水泛溢淤塞不

通農種失利乞疏浚以便民

上曰此守令不職命行在工部切責之仍令俟農隙

興上日下生成氣一道色黃赤鮮明

己未

命行在都察院嚴私通番國之禁

上諭右都御史顧佐等曰私通外夷已有禁例近歲官員軍民不知遵守徃徃私造海舟假朝廷幹辦為名擅自下番擾害外夷或誘引為寇此者已有擒獲各真重罪爾宜申明前禁榜諭緣海軍民有犯者許諸人首告得實者給犯人家賞之半知而

不告及軍衛有司縱之弗禁者一體治罪 宥江
西永新縣賊首蕭彥真等復業先是彥真聚眾于
永新縣梅花洞偽稱將軍千百戶殺傷官軍劫奪
道路吉安長沙兩界皆被其害已勅巡撫侍郎趙
新及湖廣江西三司撫捕至是新奏各賊赴官陳
首願洗心改過

上特宥之令復業又勅新等曰餘黨皆自首者俱准
此例大同前後安東同屯陽和高山天城鎮虜大
同左雲川九衛并磁州守禦千戶所各奏自去年
九月至今六月不雨屯種無收命行在戶部除其

租

庚申

寧夏總兵官都督史昭奏舊于寧夏黑山嘴立哨
馬營屯駐騎士近為黃河墊沒欲于附近便益之
處別築營守備從之 昏刻月犯房

辛酉

江西南康等處縣強盜劉仁遠等伏誅仁遠初從
贛州府會昌縣長河洞賊首朱南用等三百餘人
披甲持兵劫掠南康及贛諸縣人民出沒山谷抗
拒官軍至是悉為官軍所獲南用等死于路仁遠

等至

上命法司鞠訊皆實悉斬于市妻子徙邊

壬戌

行在大醫院醫士王謙陳其父文洪武中為燕府良醫所醫士今以老閒居謙幼習儒業乞為監生以圖報效

上命行在禮部考試送北京國子監讀書設武驤

左右騰驤左右四衛以御馬監養馬士實之已

刻北方有流星大如碗色青白有光西北行至雲中有聲如雷

癸亥

陞留守中衛指揮使田增義勇左衛指揮使趙倫

武成左衛指揮使金廣羽林左衛指揮使劉敬府軍

後衛指揮使趙綱留守右衛指揮使沈麟俱為都

指揮僉事行在留守左衛指揮同知李浩羽林左

衛指揮同知魏禧大寧中衛指揮同知李涇留守

後衛指揮僉事賈忠留守右衛指揮僉事胡寬寬

河衛指揮僉事蔣全俱署都指揮僉事增中都留

守司浩萬全都司餘皆赴南京聽用時襄城伯李

隆以缺官為請故是命

甲子

賜朝鮮國陪臣權復等十人泰寧衛指揮僉事把都兒四川平夷長官司把事王貴陝西臨洮府刺麻那魯補歲卜廣昌陀陵縣頭目王玉遼東自在州女直頭目官音保等鈔幣綿布及紵絲醲衣有差廣寧等衛指揮盛寬等領兵巡邏見虜騎二三十人或五七十人或三五百人云是福餘朵顏泰寧三衛指揮千戶家屬往虹螺山牧放圍獵總兵官都督王凱以聞

上勅凱曰虜近邊而不犯邊宜撫諭之聽其所止亦

須防其謫詐但有備斯無患矣

乙丑

以明日中元節遣衛王瞻堦祭

長陵

獻陵 益實等衛女直指揮使亦當加等三十五人奉

命往福餘等衛招撫還賜綵幣表裏等物有差

丁卯

賜朝鮮國等處貢使宴 福餘衛都指揮僉事安出等奏歲飢民貧無食欲于邊城貿易以給乞免

一年買馬課程

上命為君何聞遠違命所司從之

戊辰

改陝西左布政使周璟改為雲南右布政使仍罰俸一年時行在都察院奏璟造私居侵用官磚石罪應斬

上素知璟無廉譽及誦事嬖近至是語都察院臣曰璟罪不止于侵用磚石姑以此薄示儆耳遂有是命行在前軍都督府奏廣東神電衛指揮張演總神電雷廉三衛官軍捕賊百餘人從廣西陸川縣行劫至廉州石康衛等處演遣百戶張興等領

軍緝捕被賊殺死軍旗七人又遣千戶李源等領兵追捕被賊殺傷官軍演遂退縮請悉治其罪

上曰姑移文諭演等以文至日為始限兩月內盡賊不獲罪如律昏刻有流星大如盃色青白光燭地起左旗南行至建星炸散

己巳

彰德府磁州知州安理奏今歲元旱夏考無收秋苗未種民多缺食行在工部缸罈十萬緣夫匠多逃乞免所徵修理丁夫及諸色工匠暫令助役畢日如舊又言州城西滄陽河舊有五爪濟民渠淮

溉之利甚廣因水溢衝壞堤堰泥沙填淤人失其利乞令磁州千戶所及永年等縣受利軍民同力修築皆從之

庚午

命行在工部修

太廟社稷宰牲等房

辛未

賜勅戒飭群臣曰朕以菲德嗣承

天位夙夜惟寅恪守

祖宗之法用熙庶績用安兆民亦惟尔文武群臣是匡

祖宗獎拔以遺朕者所以同心協恭共務康濟庶幾不負

祖宗之付托今在廷典銓選掌兵政司錢穀理刑獄

董繕作之臣固有秉正直守法度以副委任者亦

有苟徇私情不率公道是非失當請託肆行遠越

禮法怠廢職事致下譏議洋洋上聞有臣若斯其

將奚託自今宜者躬知過湔滌舊染勉圖自新庶

幾長保祿位光輔予理如執迷不悛則

祖宗之法具存必汝貸汝惟欽哉

壬申

奴兒千都司故都指揮同知佟谷刺哈妻王氏廣
東感應縣故土官舍人王紹等來朝貢馬及方物
大同總兵官武安侯鄭亨奏虜寇入雅兒哇殺千
戶朱紹等五人掠官馬九十餘匹忝將都指揮曹
儉率兵追之寇始遁走其哨備都指揮僉事張淮
及指揮蔡麟等皆怠慢失機請罪之
上勅亨曰虜乘間為寇殺官軍掠官馬豈獨下人之
過亦是主將平昔姑息紀律不嚴所致自今宜加
謹加嚴張淮蔡麟等悉降充戴罪官令專職哨備
如再失機處斬因語侍臣曰禦邊之道惟在得人

漢匈奴率十萬騎入寇時趙充國將四萬騎屯邊
郡單于聞之遁去以四萬騎而使單于知畏非充
國總制有道乎亨性謹厚但過于寬故邊備屢有
小失 巡撫侍郎趙新奏江西自六月初旬以來
天雨不止江水泛漲南昌南康饒州廣信九江吉
安建昌臨江等府瀕江之處漂流居民滄沒稻田
請加寬恤

上命行在戶部視有災處蠲其租

癸酉

勅行在戶部侍郎王佐監督京城倉糧時

上聞各倉出納不明雖屢禁約而奸狡之徒徂于積
弊故命佐監督之 置武驤左衛武驤右衛騰驤
左騰驤右衛經歷司經歷各一員 廣東都司言
碣石衛舊有戰船十二艘近因調用無一艘存者
請治衛官之罪

上曰猝有番寇侵掠何以禦之此其怠肆甚矣遂勅
廣東三司同巡按監察御史執衛官吏鞠問明白
奏來處治 山東萊州府膠州及高密縣青州府
日照博興二縣山西蔚渾絳三州稷山安邑夏萬
泉介休五縣河南衛輝府所屬六縣彰德府武安

縣各奏今年春夏不雨苗稼旱傷秋田無收命行
在戶部蠲其租

甲戌

周定五第十九女卒年始十一未封

上憫其殤遣中官賜祭

乙未

上念天氣尚熱京師軍夫工匠趨事勤勞命所屬官
善撫之但有擾害及剋減糧賜者治其罪工完者
皆休息兩月 乃示顏衛都督僉事脫兒火察卒其
子乃朶羅干遣人進馬且請罷職遂命乃朶羅干為都

指揮同知陞都指揮僉事哈刺哈孫亦為都指揮
同知命肥河衛故指揮使哈哈纏子刺令哈嘔罕
故指揮使必纏子乃勝各罷文職

丙子

應天府上元江寧二縣太平府當塗縣松江府所
屬二縣蘇州府所屬七縣淮安府安東清河鹽城
山陽桃源五縣揚州府高郵州及寶應興化二縣
鳳陽府定遠縣徐州蕭沛碭山三縣并順天府霸
州真定府平山縣廣平府肥鄉縣大名府清豐南
樂濬滑四縣各奏今年春夏不雨河水乾涸禾

焦枯百姓艱食命行在戶部寬恤之 直隸高郵
州奏人民二千二百七十戶乏食已于本處預備
倉糧借給米三千四百四石驗口賑濟

丁丑

少傅工部尚書兼謹身殿大學士楊榮歷官一考
賜勅褒之曰卿以博通之孝明敏之識練達之才

歷事

皇祖

皇考諭三十年多劾勤誠以樹勞績朕承

祖宗大統亦惟資先朝舊臣以匡以輔共圖康濟蓋

自朕即位卿以秉誠心躬勤夙夜攄其嘉謀嘉猷
贊助不逮整飭武事懷綏夷狄而軍旅之政四裔
之情明習周知莫踰卿者忠言讜議裨益為多肆
特陞弘化之職今滿三歲嘉念良深特宴勞于禮
部仍賜勅獎諭於戲自古有言人惟求舊惟朕以
至誠任卿惟卿以至誠事朕同務戒倣以全始終
庶幾允釐天工用光祖考欽哉

命故羽林右衛指揮使陳敬子豫金吾右衛指揮同
知高敬叔斌羽林前衛指揮僉事丁福弟順俱罷
職遣使賫勅賜奉寧衛都指揮僉事拙赤等十

五人綵幣四十五表裏時拙赤等遣人貢駝馬故
答之賜福餘衛指揮僉事把孫等金織羅衣紵
絲紗羅絹帛等物有差迺北韃靼鎖住驢等來
歸奏願居京自劾命為副千戶等官賜金織羅衣
綵幣銀鈔絹布鞍馬有差仍命有司給房屋器物
如例湖廣布政司奏今歲自二月至今亢旱不
雨襄陽府光化等縣及沔陽州等處稻麥皆無已
令各州縣發預備倉糧給濟貧民

戊寅

上與侍臣論漢高帝唐太宗皆開創之主侍臣有盛

稱太宗英武過高帝者
上曰太宗才勝高帝義勝高帝不事詩書而大義瞭
然太宗文雅足稱而大義未明

命行在都察院嚴官吏軍民隱蔽逃軍逃囚之禁定
首捕賞格揭榜示之
直隸揚州府之如臯縣廬
州府之巢縣皆奏因災傷貧民缺食已發預備倉
糧賑濟各以數聞

已外

河南布政司魏源至命署行在刑部左侍郎事食
從二品祿

庚辰

陞寧夏左屯衛指揮使張泰為陝西都司都指揮
僉事仍領操備從總兵官都督僉事史昭奏也

鎮守肅州都督僉事王貴奏請躬進馬朝京勅貴
曰朕命尔守邊事為重馬豈所急肅州西北要衝

况胡寇猛哥卜花等方抄掠哈密當夙夜嚴備尔
能盡心竭力保境安民則尔能恭臣職矣進馬不
足為恭其止勿來
四川按察司副使朱與言設

科取士

聖朝盛典考校不謬責在至司洪武年間考官必用

經明行修之士故舉人無濫取宣德以來取士則
有解額所以防抑倖進期得真才素何所司聘召
考官不問賢否學識何如多舉親故是非不辨去
取多乖乞令各布政司今後考官必先會同巡按
監察御史按察司官從公訪求素有文季老成之
士不許引進輕薄無季之徒庶得衡鑑公平僥倖
路絕

上從之命禮部移文各布政司使悉知徹又領侍臣
曰朕亦聞在外舉考試官多出私意蓋有伯樂然
後有千里馬已無季識安能分別人之高下賢才

鮮有不為所枉矣

大明宣宗章皇帝實錄

宣德八年八月辛巳朔

夜有流星大如盂色赤光燭地起軍井後有四小
星隨之東北行至游氣

壬午

以獲強盜功陞行在錦衣衛正千戶劉源為指揮
僉事從源總旗武靖陞試百戶餘旗校皆陞一級
宥南京刑部右侍郎段民等罪初詔書言直隸及
在外罪囚除反叛謀殺祖父母妻妾殺夫奴婢殺
主人命盡毒魔魅毒藥殺人強盜奸詐及偷盜官

糧外其餘並寬減一等詔書未下民先以所鞠重
罪三十六人付大理詳審奏請及詔下民不待報有
犯毆祖父母父母者一依寬減例發遣既而所奏
者得旨斷決乃復追還而逃者已數人民具以聞
上曰書云予曰宥汝惟勿宥惟中厥漢唐之世律有
未載得引經為斷今詔書有未備者法司當量情
輕重可寬減者與寬減不可當奏何得一槩釋之
此不得中矣遂命法司宥民等罪逃者令捕論如
律行在刑科給事中年富等執奏民等不當宥
上曰尔言固是但朕之已宥不欲反覆其封章示之

使自勵雲南總兵官太傅黔國公沐晟奏雲南摩
沙勒寨萬夫長刀甕及第刀眷糾合夷兵侵佔馬
龍他郎甸長官司等衙門殺虜人民燒毀廬舍請
遣都督同知沐昂于今冬率兵討之

上曰聖人用兵出不得已今以小寇而動衆豈不得
已耶勅晟及雲南三司巡按御史遣人撫諭果不
順服令昂量以兵但得刀甕即已毋擾及平民
河南南陽府知府陳正倫言天下衛所軍士或從
征或屯守或為事調發邊衛其鄉貫姓名詐冒更
改者多洪武中二次勘實造冊經歷年久簿籍鮮

存致多埋沒。有冒名冒勾者，官府無可考驗虛實。乞勅兵部議定冊式，頒諸天下軍衛有司。凡軍戶審問明白，開寫父祖某于某年月日充某衛軍戶。有人丁于實年下分豁在營若干，原籍若干，造冊繳付上司，具自存備照，永為定規。以革宿弊。

上命行在兵部議行之。夜有流星大如盂，色青白，光燭地起，奎西行至營室。

癸未

平江伯陳瑄之子儀奏臣父董漕事在淮安患疾，氣疾乞歸省。

上命太醫院選良醫一人同儀馳驛往視。瑄勅瑄曰：聞卿嬰疾深軫朕懷，卿歷事

祖宗多歷年歲，矧今南方饑運國儲之重務，倚卿董督任，尤匪輕。今特遣卿之子儀以名醫一人往視，卿其專精神慎藥食，蚤臻康復，以副朕懷。宥四川都指揮宮聚趙諒罪下刑，安于獄。先是總兵官都督陳懷遣聚等夜襲叛蠻安，領軍前行，聚次之。諒又次之，至則已曙，寇覺率聚迎敵，安畏寇衆，麾軍退，諒發伏，諒所領二十一人力戰不支，皆為寇所執。聚引軍還闕，奪歸懷所執者半，諒殿亦奮。

戰得免歸懷奏安聚諒皆失機
上命叅將都指揮蔣貴同巡按御史覈實以聞至是
具奏其實
上以敗由安獨治其罪諒以衆寡不敵致敗聚能赴
救故皆宥之免宣府左衛直隸隆慶衛舊負屯
糧之半餘半准折收以其地早霜無獲故也

甲申

江西吉安府知府陳本深言廬陵縣城南舊有忠
節祀祠鄉先賢宋楚國文忠公殿陽修益國文忠
公周必大忠襄公楊邦忠簡公胡銓文節公楊萬

里信國公文天祥比來官屢更代事致因循曠缺
祀典人無激勸乞舉行盛典勅有司每歲春秋致

祭

上諭行在禮部臣曰褒崇忠節足以正人心厚風化
此國家先務其從所言令春秋祀命府官行礼仍
命有司以時修葺祠宇置行在旗手衛行在府
軍衛行在龍虎衛陝西都司岷州衛西固城軍民
千戶所陝西行都司鎮夷守禦千戶所倉副使各
一員

乙酉

華陽王悅耀薨王蜀獻王庶長子素放肆不律不
為獻王所愛初世子悅燠薨覬望為嗣及朝廷命
悅燠子友增為世孫悅耀不義之迹益著獻王怒
斥使居外不悅遂因繫之友增力為救解得釋獻
王年悅耀誣奏友增他罪為奪位之計
太宗皇帝疑之召友增使自明既至
太宗上賓

仁宗皇帝即位洞察其誣命友增嗣蜀王遣歸國未
幾悅耀俯取復進
仁宗不納叱之曰嫡庶大分汝敢干之誣正為邪將

時無鬼神乎始惶恐退

仁宗顧侍臣曰此人行虧忠孝心懷奸詭若使歸蜀
終亂其國宜令析處庶幾兩全遂徙澧州至是薨
訃聞遣官賜祭謚曰悼隱命有司治葬事 哈密
忠順王卜荅失里遣指揮僉事亦蘇刺指揮僉事
速來奕打刺罕舍人沙馬力等貢駝馬玉石 大
理寺左少卿呂升致仕升浙江山陰人由教諭陞江
西按察僉事坐事降官與纂修永樂大典復為僉
事歷山西福建考滿大理寺少卿升清介勤慎為
僉事所至以興學為務能激揚士類為少卿用法

公平至是以老疾奏乞致仕從之仍命給驛還鄉

丁亥

遣北京國子監祭酒貝泰釋奠先師孔子亦力

把里歪思王母鎮魯檀哈敦遣使臣付千戶阿的

加兒哈刺麻廣東德慶州徠人陳宗錫等來朝

貢方物

戊子祭

太社

太稷

勅緣邊守將各嚴兵備

己丑

夜有流星大如碗色青白光燭地起危西行至羽

林軍

辛卯

巡按山東監察御史劉瀆奏兗州濟寧東平二州

及汶上縣南陽府陽信長山歷城淄川四縣兵燹

生已委官捕獲而猶未息命行在戶部遣人馳驛

督捕權署安南國事黎利遣使人陳舜命等奉

表箋貢金銀器皿及方物修理南京會同館

壬辰

召南京兵部右侍郎徐崎赴行在命南京戶部尚書黃福兼掌兵部事亦麻河等衛野人指揮僉事抄刺你奴兒干弗朵河等衛野人指揮同知必里加荅等來朝貢方物平遙王佶煇生母席氏卒遣中官賜祭命有司治葬事

上閱南京法司所奏輕重罪囚命強盜殺人者悉如律餘侵欺偷盜罪並杖一百戍邊衛行在右軍左都督陳懷有罪下獄初懷奉命充總兵官鎮守四川僭侈踰分建總府起直房令三司官及其僚屬每分東西班侍立有事跪白懷中生稱首發落

又以私憾杖殺官軍受賂縱有罪強占軍民田宅日荒于酒松潘諸處守備畧不究心致賊犯邊攻陷城寨巡按監察御史按察司以聞遂召懷歸及是至京御史給事中文章劾懷請治其罪

上命文武大臣同鞫之至是成國公朱勇等奏懷所犯俱實于律應斬遂下行在都察院獄

癸巳

裁減行在戶兵工三部大理光祿鴻臚北京行太僕寺及順天府郎中李本等官七十七員

甲午

奴兒干都司都指揮同知康福哈烈頭目沙哈盧
鎖魯擅等遣使臣阿力沙陝西體兒迷使臣晃咱
答兒阿力阿可捌兒及哈失哈使臣火者打竹丁
等貢馬弗提衛女直指揮同知佛家奴等十七人
從中官亦失哈往奴兒干還貢方物賜之絲幣表
裏絹布有差 巡撫侍郎吳政奏荊州襄陽德安
漢陽等府安陸沔陽等州自去年秋至今年夏不
雨二夏不收人多飢窘已令各府縣^以官倉糧賑
濟其官軍俸糧師生廩膳皆于襄陽府倉支^麥皆
陳腐且遠路難至宜仍于各倉支米七分三分于

襄陽倉支^麥從之 河南府洛陽偃師孟津鞏昌
四縣山西猗氏縣山東平度州濰縣直隸保定府
新城縣滁州并全椒安來二縣鎮江府丹陽縣常
州府江陰縣各奏去年冬無雪今年春夏不雨田
穀早命命行在戶部寬恤 湖廣都指揮同知
王榮卒榮揚州人起行伍從

太宗皇帝靖內難有功累陞至都指揮僉事十二年
陞湖廣都指揮同知崇忠厚勤慎有守有為嘗督
採宮殿材泊督北京餽運皆能撫綏措置有方事
集而人不勞軍民德之至是卒遠近悼惜訃聞

上遣官賜祭命其子貴嚴武昌左衛指揮使

丙申

遣官祭歷代帝王 行在戶部右侍郎王佐言在
京濟陽等三十四衛草場歲採秋芻以餉官馬
舊各委軍衛官吏管領秤子庫子收支然所委軍
官嘗有差調收支不時以致下人易為欺弊芻無
實用請以濟陽等三十衛併為三場每場設大使
副使各一員攢典二人秤子庫子二十人大興左
等衛併為一場設大使一人攢典二人秤子庫子
一十人專任其事從之命行在吏部銓撥官吏禮

部鑄印記俱隸行在後軍都督府

丁酉

祭太歲風雲雷雨嶽鎮海瀆山川等神 遣祭旗

蠶之神

戊戌

賜奴兒干都司故指揮同知佟谷刺哈妻王氏等
亦麻河衛野人指揮僉事抄刺你等弗朵河衛野
人指揮同知必里加谷等廣東感恩縣故土官舍
人王紹等鈔絲幣絹衣有差 監察御史馬駿劾
奏四川行都司都指揮僉事朱忠陳榮于任所佃

種官田僦住官屋不納糧稅聞事覺補納令首領
官吏以前年月具文書請治之

上曰知過能改姑容不問 廣西潯州衛奏本衛西連

大勝峽北接武宣千戶所與猺獠雜處時被侵擾

週圍一千二百餘丈多未包砌今欲悉以磚石修

治庶得堅完乞以附近軍民協助從之 江西瑞

昌縣奏今年五月以來民飢者衆已貸本縣預備

倉穀五千一百三十二石賑濟

已矣

寧夏總兵官都督僉事史昭進嘉禾 南京都知

監請修理內府各衙門

上不許勅責右監丞張官音保等曰今軍民工匠差

後勞苦朕甚念之每不得已有所造作亦皆隨宜

以省工力尔不体朕心欲大興作盖尔必以解字

為名實致私建居宅豈顧軍民之害今姑記尔罪

果衙門損壞只令工部修補不許勞民動衆 行

在兵部右侍郎王驥言南京龍虎左豹韜右二衛

調到軍士聞在營口衆月糧不足養贍致逃匿者

多請令襄城伯李隆審勘果有不能養贍者留正

軍當房家口在營仍留一丁協助生理其餘願還

原籍者聽又言貴州廣西二都司所轄衛所軍多
逃亡所差勾軍官旗千五百餘人淹延在外有至
二十年不還者都司亦不循例以戶丁補後致使
部伍久空調用不足此者貴州奏取廣西操備官
軍有旨候逃故者勾補足用乃許發回議啟移文
總兵官蕭授山雲嚴督貴州廣西二都司屬衛勾
軍官旗凡所勾軍士務欲完足有埋沒作弊者具
實以聞又言永樂中有例北京之人在廣西等都
司衛所充軍有司勾軍者俱調河間衛今補伍已
足又立詠鹿中衛請自今廣西衛所有勾丁者仍

補原伍庶得兵邊足用皆從之

庚子

兀者右等衛指揮同知忽失禿等來朝貢方物浙
江嚴州府桐廬縣奏歲飢民窘已借官倉糧賑濟
具數上聞

癸卯

陞行在工科給事中卜謙為陝西按察司僉事仍
于內府授小內使書行在戶部廣西清吏司郎中
遠志為應天府丞左軍都督府經歷陳良為順天
府治中行在湖廣道監察御史張誠為陝西按察

司僉事俱以九載滿也擢進士趙全盧琬蕭啓房
威慶施慶監生張羽邢瑞成功吳誠尹晉張善李
珉為行在監察御史全山東道琬誠河南道威羽
廣東道端張慶貴州道善施慶湖廣道晉福建道
功廣西道珉交趾道翰林院修撰金問任滿命復
職陞從五品祿復楊清陝西扶風縣典史陞正九
品祿清初至扶風第其民戶上中下三等籍記之
憑以差役莫不從其令貧無牛具種子者即為假
貸民甚德之以任滿去官民相率詣京師伏闕奏
乞留之故增祿俾復任 順天府尹李庸等言址

乙巳

賜哈密忠順王使臣亦麻刺速來叟舍人沙馬力
等綵幣絹布及紵絲嚴衣有差 行在戶部奏東
店林南二倉舊無垣墻防守不易 勅總兵官都
督陳敬等于薊州等十七衛所撥軍士採木陶瓦
營建二倉仍勅敬等無妨誤邊務 順天府奏所
屬通州及良鄉諸縣儒學大成殿宇及社稷鬼神
壇養濟院申明旌善亭悉年久弊壞命有司修治之

丙午

昏刻熒惑犯南斗魁第二星

丁未 勅漳州衛指揮同知石瑄等嚴通番之禁 嘉河
等衛女直指揮同知阿里不花等來朝貢方物
給遼府益陽湘陰衡陽應山宣城支江沅陵麻陽
八王府歲祿各二千石江華盧溪竹山三郡主歲
祿各四百石令湖廣布政司未鈔中半兼支廣
西四州致仕女土官知州盧氏奏罷職土官岑豹
率兵士千五百餘人謀害已又棄毀故土官岑瑄
塑像所為不孝難俾承襲豹叔利州土官知州顏
亦奏豹興兵謀殺盧氏侵擾地方州民被害總兵

京城隍廟軍民往往于內互市博奕因而盜取磚
石剪伐林木及縱放孳畜作踐請禁約

上曰事神貴清淨其揭榜禁約敢再犯者擒送法司
治之廣西思明府言祿州西平州永平寨巡檢司
及古樓洞地方今歲黎賊侵擾民不安業前認辦
秋糧四十五石乞為除豁命行在戶部如所言除
之

甲辰

調燕山左衛指揮使陞真行在羽林前衛指揮同
知張亮于羽林左衛行在金吾左衛指揮使楊芳

于府軍後衛燕山前衛指揮同知郝整永平衛指
揮僉事陳旺于行在府軍左衛鳳陽衛指揮僉事
王玉于行在金吾左衛 行在兵部右侍郎王驥
言新置滕驤左等四衛專為牧馬今選原牧馬指
揮使高通指揮僉事卓榮賀謙許貴劉昇治武驤
左衛指揮僉事馮麟苗祥劉斌夏義龐原倪全治
武驤右衛指揮使徐賁指揮同知張得田景春袁
海指揮僉事劉海李信王泰治騰驤右衛指揮使
馮洪指揮同知徐貴胡能指揮僉事牛榮羅名句
真劉義李成趙是劉聚治騰驤右衛各給印信從之

官都督山雲奏豹實故土官岑瑄姪人所信服應
罷職盧氏瑄妻豹伯母初借罷今致仕宜量撥田土
以贍終身仍勅豹無肆侵擾行在兵部請從雲所奏
上命遣前使烏撒烏蒙行人張總侯進賁勅與雲并
三司巡按御史究豹與盧氏是非從公判決以聞
改作通州驛時行在工部奏通州水馬驛俱隘
陋敝壞外夷朝貢使臣往來者多無宿頓之舍請
增廣併為一所

上命尚書李友直督本州民同通州五衛軍士協營
之巡撫侍郎趙新奏贛州府會昌縣民朱南政及

弟南鵬等五人糾合亡賴掠劫軍民其父名泰力
止之南鵬殺其父鄉民劉伯昂旣思賢擒南政等
四人訴于官南鵬逃而率其黨二百餘人圍伯昂
家殺其母弟掠其妻子盡焚其居副都御史陳勉
奉命招撫南鵬等皆降其黨亦相繼復業已而南
鵬復聚衆圍思賢家盡殺其父兄子弟劫其財復
逃入山叛服不常深為民患請發兵誅之初新與
三司及巡按御史但捕兇渠脇從者俱釋之 巡
撫侍郎于謙言河南所屬州縣連歲旱傷稅糧免
徵而衛輝彰德慶河南四府路當衝要各驛供餽

糧草多缺乏以河南郡縣并附近湖廣襄陽府罪
囚除所犯應解京者如例其餘發邊衛納米贖罪
者改送河南轉發各府衝要驛分納米與草贖罪
死五十石流罪三十石徒罪二十五石杖罪一十
石笞罪五石草每一束折米一斗五升俟芻糧有
積仍如舊例從之 昏刻熒惑犯南斗

已酉

命故行在後軍都督府僉事郭義子瑛襲為指揮
使于羽林前衛帶俸操練以其年幼未歷事也四
川布政司右叅議潘同致仕同浙江開化人由教

諭為知縣陞兵部郎中再陞河南叅議調四川頗
有才能至是考滿自陳老疾不能任事命致仕
奴兒干都司指揮同知康福兀也右衛指揮同知
忽失勿心禿廣東德慶州標人陳宗錫等及哈密忠
順王所遣鎮撫早丁等二人鈔綵幣絹布及紵絲
氍衣有差 靈藏贊善王遣番人剗失監藏來朝
及迤址韃靼阿知八來歸皆奏願居京自效命為
副千戶所鎮撫等官賜金織氍衣綵幣銀鈔綿布
鞍馬仍命有司給房屋器物如例

庚戌

命行在金吾右衛指揮僉事蔣勝忠義左衛指揮僉
事種興署陝西都司都指揮僉事燕山左衛指揮
使趙忠羽林前衛指揮同知王鑑指揮僉事孫禮
陳廣往寧夏衛領軍聽總兵官調遣 行在兵部
右侍郎柴車奏遼東各衛屯田軍士貧富壯弱不
均請分作三等貧難有丁力牛具者為一等有丁
無牛無丁者為二等貧難力單者為三等以三等
附一等之家借其牛具種子秋收付還縱豐稔不
許侵索所收若此則三四年間人有盈餘可以立
產業成家室免逃竄之患命行在戶部如所言行

之仍遣鴻臚寺少卿張隆常加提督

大明宣宗章皇帝實錄

宣德八年閏八月辛亥朔

大明宣宗章皇帝實錄

蘇門答剌國王宰奴里阿必丁遣弟哈利之漢等

古里國王北里麻遣使葛不都魯牙等柯枝國王

可亦里遣使加不北里麻等錫蘭山不刺國王葛

麻巴忽刺批遣使門你得柰何等法佐兒國王阿

里遣使哈只忽先等阿丹國王抹立克那思兒遣

使普巴等甘巴里國王夔哇刺劄遣使段思力鑑

等忽魯謨斯國賽弗丁遣番人馬刺足等加異勒

國王遣使阿魯儒哈奕等天方國王遣頭目沙猷

等來朝貢麒麟象馬諸物

上御奉天門受之行在禮部尚書胡濙以麒麟瑞物
率群臣稱賀

上曰遠方之物朕非有愛但念其盡誠遠來故受之
不足賀也 浙江布政司黃澤以考績來京行在
刑科給事中年富等劾奏嘗後屬縣民採桑養蚕
充私家用又擅用官庫螺鈿床等物又錢塘縣拘
繫應赦之囚仍論以死而不馭正釋故反稽緩稅
糧怠廢政務等罪請下法司治之

上命姑宥之 夜有流星大如碗色赤有光出北河

東北行至濁

壬子

行在戶部奏邊衛糧儲不足請召商中納鹽糧不
拘米麥豆萬全左衛倉淮浙長蘆鹽每引四斗懷
來衛倉淮浙長蘆鹽每引四斗五升永平府及古
北口倉浙長蘆鹽並每引五斗從之 初掌南京

右軍都督府事都督陳政嘗遣人督事貴州都司
而無勘合貴州按察司以聞 命入職 命
上令政自陳至是政等言素不諳練致有錯誤請伏

罪

上曰勘合以防奸弊可容錯誤乎姑宥之再犯不宥
廣西都指揮同知陳全有罪罷充軍全于潯州
防守蠻寇受所部財物不知為備大藤山猺賊掠
去軍士二人不督兵追捕而私以盜贖歸事覺法
司論全所犯杖一百戍邊

上曰受所部財物尚可恕豈有率兵守邊而為寇贖
所掠者乎命罷職充軍隨叅將陳濬立功昏刻
有禁出天倉旁无芒長丈已入貫索掃七公
已卯

入天市垣掃晉星又二十有四日滅

癸丑

日本國王源義教遣僧有瑞等來朝貢馬及方物
直隸天津左等三衛奏路當衝要軍士不足于
用請以所牧馬轉給河間府所屬州縣民牧養從
之陝西都司布政司按察司奏比者階州西固
城番簇及秦月作簇交相侵奪命同巡按御史按
其實治不如法者謹遣西安前衛指揮使周壽等
往按其事今各簇皆輸情繼今不敢相侵奪
上曰番夷仇殺常事諭之使平足矣不用深治也順
天府薊州大名府魏縣廣平府廣平縣各奏今年

七月苦雨河水漲溢渰沒田稼

乙卯

賜亦力把里歪思王母使臣阿的加兒哈刺馬及
等六十七人銀鈔綵幣紗羅絹及金織氍毹衣有差
仍遣阿的加兒等賫綵幣表裏賜王母 哈密忠
順王卜吞失里差都指揮同知兀馬刺亦格來等
朝貢命兀馬刺為都督僉事亦撒格來俱為指揮
僉事 降行在府軍右衛指揮使立讚為指揮同
知調遣衛備禦坐受賍也

丙辰

給靖江王府平樂鄉君及儀賓徐庶歲祿米二石
石從化鄉君及儀賓孟琳姜城鄉君及儀賓陳庶
靈竹鄉君及儀賓葉玘如之俱于廣西布政司米
鈔庶支 賜日本國蘇門答刺等國貢使宴 置
行在後軍都督府濟陽等十衛居賢草場大典左
等四衛名珂房草場大使副使各一員甘肅總兵
官都督劉廣奏西寧衛巴沙簇番賊著兒加阿哥
等二千餘人嘗于涼州柔遠驛路劫奪過使衣物
傷及人馬調都指揮包勝領軍追捕已斬番賊管
著失加生擒著兒餘皆奔遁時欲引兵進捕慮番

簇驚疑乞勅西寧衛委官以名目授簇頭俾捕獲
送官明正其罪以警其餘從之

丁巳

長沙府李郁至命署行在兵部右侍郎事命貴州
布政司左布政使孟驥致仕驥徐州蕭縣人自主
事歷郎中再陞河南叅政坐事下獄時新設貴州
布政司朝廷欲選老成者任之驥體貌豐偉言不
輕率吏部以其名聞

上省之陞布政使比至貴州創置設施撫綏夷獠皆
出右布政符廷贊驥尸位而已至是年七十餘考

滿

乞仍往貴州少弼駕純吏部言驥在任全無設施
苟祿固位宜斥就聞以勵廉恥

上遂命驥致仕南京四川道監察御史張僉奏對失

次降浙江秀水縣丞 監察御史鄭夏給事中蔡

錫初奏總兵官都督僉事陳敬鎮守官都指揮錢

季英蕭敬劉銘馬驥指揮張鎮等鎮守邊疆而城

垣不修部伍不整自山海至隆慶凡閑寨二百四

十八處營堡二十二所臣等閱視守備官軍失伍

離次者一千二百餘人蓋統領之人或役于私家

或受財放閑或尅減月糧困苦不支遂至逃竄俱

由敬等紀律不嚴所致請正其罪

上曰陳敬姑宥之錢儀等六人俱罰俸三月軍逃者令兵部追捕其所管官軍逃二十名以下者犯罪五十名以下者罰俸三月百名以下者_下罰俸半年一百以下罰俸一年直隸大名府長垣縣民奏虧欠所蓄孳生馬四百四十七匹應償今歲天旱無牧請以明年秋成買償從之

戊午

以右都御史顧佐有疾

命行在吏部尚書郭璉兼行在都察院事修通州

城樓命都指揮劉斌董役昏刻景見星北方天門

三星大如碗色青赤黃明朗清潤良久聚成半月

形

已未

行在禮部尚書胡濙言欽天監奏景見星臣考之占

書

天子至孝任賢使能海內歡悅制作合天法令清明則景星見今覩斯瑞寔

皇上聖德海宇太平之應請偕文武群臣上表賀

上不許遂勅群臣曰古之人有言時和歲豐為上瑞

念
天興
祖宗付托之重內慚于心夙夜之間惓惓祇惧星文
之瑞何救民飢而敢表賀哉聖賢之心惟德是敬
恒欽一天以自度不因祥而自矜尔文武群臣尚
其夙夜同心同德佐朕于理治政事者以安民為
本典軍旅者以武備為重任刑法者平恕為敬慎
行之毋懈毋怠庶用下慰四海生靈之顛望上答
天地

宗廟之付託而吾君臣亦得同無窮之美欽哉其止

勿賀慶王梅奏進嘉瓜瑞

上復書曰嘉瑞之生皆

祖宗積慶叔祖樂善之所致也願予菲薄何以克當
今既祇受敢忘厚意

辛酉

賜哈烈使臣哈力沙等三百二十九人休見迷使
臣晃咱答兒阿力阿可捌兒及塔失哈使臣火者
打竹丁等銀及絲幣紗羅綾紬絹布有差

壬戌

行在三法司言山東歷城縣瞽民忿鄰人詈其母以頭觸詈者致死准律鬪毆殺人應絞

上日既瞽人以母故傷人可宥之令出銀十兩付死者家備葬

癸亥

命哈密衛故都指揮僉事脫脫帖木兒子把秃帖木兒指揮僉事秃刺子阿卜都刺罷職後哈密忠義王脫觀帖木兒所請也

甲子

四川馬湖府土吏李昭及泥溪長官司土民劉勉

等來朝貢馬及方物置遞送口北軍因宿舍凡十一所初左府舍人馮旺等言自通州北關至山海衛東路凡一十一站舊設五遞運所有相距百七八十里者遞送軍因多或二三百人少或五七十人其中亦有老幼男女每日止行一站所過別無官舍須賃民房止宿貧窮患病民不肯容不免露宿冒寒受暑因致死亡况管送之人不過一二防守不周因而脫逃負累者多事下行在兵部議奏以所在官司有遞運所則令增修無則增置各為房舍十餘間繚以垣墻就令遞運所官及驛丞提

督兀速送軍囚于此宿食為便

上從其議

乙丑

陞沙洲衛指揮僉事因即來次子薛令為指揮僉
事故指揮使薛迭古子撒力罷職都指揮僉事察
罕子花自陳年老命其子阿赤不花代

丙寅

夜有流星大如盃色青白有光起參東行至濁

丁卯

江西廣信府奏今年七月二十四日大雨連日洪

水怒溢壞本府及永豐等縣壇場廨宇軍民廬舍
漂溺男女無算低田苗稼命行在戶部遣人撫恤

己巳

召南京都察院右都御史熊槩赴行在賜日本國
使臣僧有瑞等六十五人嘉河等衛女直指揮同
知阿里卜花等一百七十六人綵幣絹布及紵絲
龍衣有差大同總兵官武安侯鄭亨等奏請于
大同正北鴉兒崖貓兒莊之中半嶺等處添設二
堡以軍防守兀公事往來之人敢其宿食仍置備
邊馬隊若有警急使于調用乞乘農閑興築

上諭行在兵部侍郎王驥曰朕以邊事委亨惟在指
置得宜其悉從之但令加慎而已 夜有流星大
如盃色青白尾跡有光起天鈞東北行至游氣

庚午

賜安南使人陳舜俞等文綺襪衣并鈔遣還

命兵部侍郎徐琦行人郭濟賚勅諭黎利與舜俞偕

行蓋申諭利令上順 天道下造民福以保全終

賜蘇門答刺國王弟哈利之漢古里國使葛不滿

都魯牙阿支國使加不北里麻錫蘭山國使門你

得禁佐法兒國使哈只忽先阿丹國使晉巴加異

勅國使阿都儒哈查甘巴里國使改思力鑑天方

國頭目沙猷忽魯謨斯國番人馬刺足等六十六

人白金綵幣絹布及金織襪衣紗羅絹衣有差其

從賜胖襖襪鞋有差賜哈利之漢等冠帶行在兵

部奏太僕寺去年孳生馬騾駒計六萬一千五百

九十八匹請遣官印記

上命駙馬都尉趙輝永康侯徐安往監之 昏刻有

琴出貫索內尾長五尺餘漸西南行九十有四日

始滅

辛未

貴州古州蠻夷長官強賊楊云銀等伏誅云銀等
初從長官楊政通古奪人田殺人掠財三司屬遣
人撫諭不服轉劫曹滴洞焚官署民居至是總兵
官蕭授悉擒獲械送至京通政等死于獄云銀等
俱就誅二昏刻有流星大如盃色赤有光出正東
雲中東南行至雲中

壬申

以杖罪及徒流人充通州遞運夫時順天府奏通
州路當衝要四方貢獻方物日多遞運所舊額夫
少乞以罪囚千人充夫滿日如舊撥補

上命法司議請如所言以民人方兵皂隸及受贓官
吏犯杖徒流者充役杖罪後一年徒流依年限供
役從之

癸酉

上以在京所選隨侍 東宮幼軍七千一百一十二
人

命成國公朱勇新建伯李王整飭隊伍以俟親閱
獨石守備叅將都督陳濬奏都指揮卞福老疾不
堪將領開平衛指揮使杜衡年壯有謀弓馬精練
請令總督獨石開平備禦仍訓練馬隊官軍有警

則與千戶楊洪修力禦寇從之 監察御史羅閏奏
此者掌肅州衛署都督指揮僉事呂昇奏鎮守都
指揮僉事王貴杖死軍士交通夷人造軍器往西
番易駝馬擅宮人以充使令占畊官軍屯地并受
賕私殺軍卒等事命臣往勘其實昇所言多妄實
者惟二三謹以聞命宥之

甲戌

夜有流星大如盃赤色尾跡有光出文昌東行至
濁又有流星大如雞彈色赤尾跡有光出天苑西
南行至濁

乙亥

瓦剌順寧王脫歡遣使臣陝西丁等來朝廷臣言
朝廷前三遣使人入瓦剌皆未返宜拘留陝西丁
等

上曰尤而效之非礼且彼言未返之故為道路所阻
姑善待之遣歸已而脫歡又遣鎖魯擅答刺等六
人來奏虜中事皆宴賚而遣之勅脫歡曰我國家
撫待遠人甚厚王于朝廷亦效勤誠使者之來具
見王意但前三遣使詣王所皆未返意者道路有
阻乎故今未遣使報俟道路通前使來歸即遣報也

奴兒干喜中衛吉列迷車下來朝奏願居遼東
東寧衛命為百戶賜金織氍毹衣鈔布仍命遼東都
司給房屋器物如例 行在兵部奏案雲後衛百
戶張政忠義左衛百戶張旺先避事迹今援榜例
自首而又罪之以示懲

上曰既許自首而又罪之令不一矣復其職

丙子

雲南木邦宣慰使罕門法遣頭目陶孟高谷垠陝
西洮州衛奄藏等處簇刺麻高僧亦什藏卜等來
朝貢金銀器皿象馬方物 刑部右侍郎段民考

績至行在廣東^道御史羅銓等劾奏民前妄引詔書
寬減之例釋重罪因致其逃逸給事中當劾奏民
罪

皇上弘天地之量不寘于法責其捕獲今民至闕下
不服罪謝恩請罪之

上曰御史言是姑宥之追捕罪人不獲終不宥
丁丑

行在戶部奏蜀府諸郡主郡主儀賓祿米折鈔例
今議依文武官員每米一石折鈔一十五貫自後
各府郡主郡主儀賓祿米折鈔俱準此例從之

昏刻婦邪星見東南方色黃赤
戊寅
直隸鳳陽府壽州霍丘縣奏縣民飢困已發預備
倉穀三千九百八十五石驗口濟之直隸揚州府
泰州通州并順天府大城縣河間府青縣各奏今
年春夏無雨田禾無收

己卯

以奴兒千都司都指揮同知王肇舟老疾命其子
貴巖為都指揮僉事食副千戶俸肇舟初自副千
戶陞都指揮貴屢使奴兒千之地語其土俗至是

衆請以貴代肇舟從之

命故指揮僉事鎮鎮子鴉扒兒巖為指揮僉事於行
在錦衣衛帶俸

大明宣宗章皇帝實錄

宣德八年九月庚辰朔

辛巳

遣內官雲僊等賫勅往木邦等處賜土官宣慰使
罕門法等文錦紵絲紗羅有差 甘肅總兵官都
督劉廣奏瓦剌脫歡之使來言今道路已通朝廷
可以遣使往來固具言前所以不通之故
上諭行在兵部侍郎王驥曰此言未足信但令邊將
嚴守備耳

壬午

遣中官昌盛賫勅及綵幣賜朝鮮國王李禔

癸未

雲南孟緬長官司土官長官姜嵩楚雄府祀事李
熙廣東瓊山縣故土官主簿符通鄉子忠得等來
朝貢馬及方物給開平諸衛夜不收并各處關口
臺墩哨探守瞭軍士七千九百餘人皮襖狐帽行
在禮部尚書胡濙奏令天下府州縣季生員有年
五十之上方入貢者比為國子生又十餘年方得
歷事出身則已年老不堪任事虛費廩饌不得其
用乞令天下季校生員年四十五歲已上盡送部

考選定奪從之

浙江杭州府餘杭新城

於

潛臨

安四縣及嚴州府建德遂安分水縣皆奏民飢已
將預備倉穀量日賑濟候秋成如數還官故遂安
伯陳英母夫人徐氏卒行在禮部以聞命賜祭賻
贈治葬悉如例

乙酉

慶成王妃傅氏薨遣官賜祭命治葬事 三法司
請決天下重囚勅諭之曰朕体

上帝好生之心惓惓夙夜惟刑是恤今奏決天下重
囚但憑所具之詞其間豈無冤抑者其選庶明官

分臨各處同三司巡按御史及府州縣官更詳審
覆若情犯深重果無冤抑聽就處決情有可矜事
有可疑及不服罪者仍監候具奏與之辦理切不可
輕率致人枉死行在吏部尚書郭璉言在外各
衙門官九年考滿給由到部多因奏保增俸復職
皆云廉能濟奉職循理其中豈無在任日久政績
未著徒以人情稔熟邀求里老軍民妄保者自今
凡有保留請行所屬布政司按察司巡按御史并
巡撫侍郎公同體覆實則允之虛則罪之直隸府
州縣亦然如此則賢者有所獎勵不肖者不得僥

倖

上從之

丙戌

暹羅國王悉里麻哈賴遣使臣坤思利弗等奉表

貢方物

戊子

重陽節賜文武群臣宴夜有流星大如盃赤色有

光出河南東行至濁

己丑

置雲南騰衝州庫扛閔庫刀閔庫勒閔古湧二閔

并河甸州賴邦哈九浪莽孟洞入巡檢司先是騰
衝州奏本州路通麓川緬甸諸處人民逃徙者多
誤差發貢獻舊四百夫長隸騰衝千戶所時其庫
扛關五處皆軍民兼守今四百夫長已隸本州止
州民守之乞于五處置巡檢司以土軍戶黑張保
李甫郭節為巡檢又南甸州奏其州與麓川宣慰
司按境舊二百夫長在騰衝千戶所時賴邦哈
等處亦令軍民兼守後麓川宣慰司侵據本州境
土不守者十餘年今蒙朝廷勅諭麓川還所侵地
竊恐再見侵據又慮百姓逃移乞于本州賴邦哈

九浪莽孟洞三處亦各置巡檢司以上軍楊義趙
得趙榮三人為巡檢

命皆下三司覆勘至是咸奏為宜遂置入巡檢司尹
黑等悉授巡檢

庚寅

昧爽有流星大如雞彈色青白尾跡有光出天船
西行至雲中

辛卯

行在都察院劾奏江西按察司副使焦宏先任監
察御史時常淹禁囚人請建治之

上曰既陞除方面前事無大過其宥之 夜有流星
大如盃色赤光燭地起北斗魁西北行入紫薇垣
內

壬辰

哈密忠順王卜答失里等差指揮僉事捨黑馬黑
麻等五人來朝賜鈔綵幣表裏龍衣等物有差

賜陝西兆州衛查歲歲刺麻亦什歲卜四川馬湖
府土吏李昭泥溪長官司土民劉勉等鈔綵幣表
裏及紵絲龍衣有差 昏刻有流星大如盃色青
白有光起天紀東北行至華蓋

癸巳

給幼官舍人馬騎操凡千餘匹 直隸鳳陽府奏
府治在鳳陽新城內舊有馬驛洪武中併入舊城
濠梁馬驛相去二千餘里使客往來無所止頓請
以沒官空房為公館從之

甲午

遣使勞鎮守松潘副總兵都督僉事蔣貴初貴以
都指揮為叅將率軍深入賊地殺番寇已陞都督
僉事充副總兵至是復賜金織紵絲衣一襲所部
殺獲有功者一十五人都指揮僉事趙得陞都指

揮同知指揮僉事宰文陞指揮同知餘百戶總小
旗皆陞一級凡同征效勞雖無殺獲者皆賞之敢
勇當先都指揮人鈔一千貫紵絲表裏三指揮人
鈔八百貫紵絲表裏二千戶人鈔六百貫紵絲表
裏一百戶人鈔五百貫絹三總旗舍人人鈔四百
貫絹二小旗人鈔三百貫絹布各一軍人鈔一百
貫布二齊力向前指揮人鈔五百貫絹三百戶所
鎮撫人鈔四百貫絹總旗人鈔三百貫絹布各一
小旗人鈔二百貫布二軍人鈔一百五十貫布一
凡賞一千八百五十三人 遣哥吉河衛差來指

揮吉遣你等賚勅命其衛故指揮同知可成孫末
希納襲職仍賜金織文綺服衣

乙未

旌表孝子崔克昇洪信文節婦龍氏等五人克昇
大名府內黃縣人自幼孝事父母母歿事父逾謹
冬寒以身溫被父年九十有九^卒克昇寢^苦枕塊
廬墓三年信文饒州浮梁縣人事母陳至孝母疾
衣不解帶比卒葬值雨雪信文攀柩跣泣雨雪為
霽廬于墓側刻木為母像朝夕跪拜事死如生者
十有三年事聞俱旌表其門曰孝行龍氏豹韜衛

小旗黃壽妻年二十七喪夫三子俱幼誓不改嫁
甘貧寡居三十四年江氏豹韜衛小旗陳安兒妻
年二十八夫亡惟一子江守志不嫁三十五年節
操如一金氏杭州府海寧縣民楊宗文妻夫亡時
年二十九誓不他適家貧姑老子幼養生送死志
不違礼守節五十八年熊氏南康府建昌縣民黃
繼楚妻年二十有五喪夫誓不他志姑老子幼仰
事俯育成盡其道守節亦五十八年涂氏太平府
當塗縣民謝壽妻年二十九夫亡二子皆幼涂紡
績自給誓不再嫁守節四十九年事聞俱旌其門

日貞節 修安定德勝西直等門樓及舖舍命署
都指揮僉事武興董後

戊戌

賜雲南木邦宣慰司頭目陶孟高等四百二
十八人孟緬長官司土官姜高等及楚雄府把事
李熙廣東瓊山縣故土官舍人符忠得等鈔練幣
紗羅及金織氍毹布有差 都察院右都御史
熊檠至命視行在都察院事四川都司奏近行在
工部移文命同布政按察二司遣官率軍民五百
人于梁山烹煉紅銅八月支米三斗興工一月得

紅銅三千三百餘斤

上以所得不償所費命工部罷之辰刻日生暈隨生背氣左右珥^已刻太白見未位凡十有七日始滅申刻日復生暈及背氣左右珥色青赤鮮明已矣

勅緣邊諸將嚴守備先是有降虜言和守寧阿魯台部屬督卜欲犯邊已勅諸將備之至是果入寇涼州永昌皆警甘肅總兵官都督劉道指揮使李榮等率兵追及與戰殺督卜父子及其黨八十餘人生擒三十餘人衆皆遁盡收其駝馬而歸

上嘉其功謂侍臣曰醜虜慚憤必將復來遂勅廣及寧夏大同等處總兵官嚴督諸城堡謹兵備賊雖未至常若臨敵庶保無虞迺北和寧王阿魯台使臣柳失等來朝福餘衛指揮僉事完者禿等十一十人來歸皆秦願居京自效命柳失為百戶完者禿等為試所鎮撫各賜冠帶金銀衣綵幣銀鈔絹布鞍馬有差仍命有司給房屋器物如例夜有流星大如盃色青白尾跡有光起壁西南行至雷電五鼓有流星大如盃色赤尾跡有光出孤天至雲中

庚子

置雲南臨安府河底威遠州播孟二巡檢司先是
臨安府虧容甸長官司奏河底自洪武中官置渡
船以濟往來路通車里八百諸長官司近年軍民
有逃逸出境詐稱使者逼令乘載往往被害又緣
河時有劫盜出沒夷人不安但翼巡檢司以故犯
事素凱之子瑪為巡檢威遠州亦奏其地與車里
諸宣慰司接壤累被各土官縱賊劫掠播孟實當
衝要乞置巡檢司以把事劉禧為巡檢
上命雲南三司覆勘至是奏以為宜遂命建巡檢司

授瑪等官

癸卯

順義伯金順卒順瓦剌人舊名阿魯哥失理永樂
七年來歸授大寧都司都指揮僉事八年從
太宗皇帝征沙漠至滅胡追敗本雅失里于靜虜鎮
又敗阿魯台之衆陞都指揮同知洪熙元年陞左
軍都督僉事宣德三年扈從巡邊有擒寇功四年
上念其遠人從

皇祖多效勤勞封順義伯歲祿米八百石至是卒訃
聞命所司賻贈營葬如例子忠五歲予優給俸命

兵部侯忠長嚴指揮僉事蓋特恩云

乙巳

陞雲南南安州琅井土官巡檢李保為本州判官
先是南安州鄉老言本州俱是羅舞和泥烏蠻雜
類稟性頑獷因無土官管束多致流移差役賦稅
俱難辦理近因本州缺官委保署州事蒞政公勤
撫綏得宜民皆向服流移復歸保有才能堪任牧
民如蒙陞任本州土官實慰民心行在吏部尚書
郭璉言本州舊無土官難從其請

上曰卿知守舊固善然古人為治在順民性姑從所

言遂以保為南安州判官 置雲南都司騰衝守

禦千戶所土官吏目一員 夜有流星大如盃色

赤尾跡有光起北斗魁東北行至游氣

丙午

以考取陞陝西按察司副使鄭堃為應天府尹行
在監察御史陳俊為應天府丞兩淮都轉運鹽司
同知劉永賢為貴州布政司右叅議南京監察御
史何楚英為陝西按察司副使擢監生王貫孫昌
朱緩王倬李湖順張斌為南京監察御史貫四川
道昌交此道緩貴州道倬山西道斌福建道復行

在湖廣道監察御史王璉官璉嘗奉命往遼東建
置烟墩屯堡剋酷虐人及縱從人擅騎驛馬事覺
發充軍吏至是遼東士有言其能鋤奸暴者遂召
復御史賈忠蘇州府吳江縣知縣陞從六品祿忠
任滿赴京其民千餘人奏乞留之故加其祿俾復
任

命桂林中衛指揮使張珩仍于潯州巡守珩前巡守
潯州約束嚴明蠻寇畏服至是以代還軍民保留
之總兵官都督僉事山雲以聞有是命八巡按山
東監察御史及都司布政司按察司奏此者登州

衛指揮戚瑋言山東之地緣海洪武中置十衛五
所分守其地今都指揮衛青以諸衛所官軍三千
八百人俱于登州備倭而倭寇往來之地城寨空
虛乞調還各守其地詔臣等計議宜如瑋言為便
都指揮衛青奏昔奉

太宗皇帝制諭令統領備倭不得分散勢力今其所
議有乖前旨兵部請仍令山東三司及巡按監察
御史與青會議既而都指揮同知王真等奏清原
領捕倭馬步官軍三千八百四十餘人除登州諸
處往來操備外每歲至夏分戍即墨等三處今議

官軍宜令常于其地操備更不聚于登州如有警
急互相應援仍令青總督其事所用糧草皆于旁
近州縣應納官者從^支庶勢力不分軍民兩便從
之福建崇安縣奏今年七月十四日驟雨竟日山
水暴漲縣治民居及緣河苗稼橋梁俱漂決人民
溺死不可勝計命行在戶部驗視撫恤

丁未

以北京行太僕寺馬五千匹給神機營操練軍士
戊申

直隸東勝左衛令史張顯等奏本衛及左前二千
戶所官屬或死亡或坐事或公差去職者多無官
掌印署事且諸當衝要公務填委不能治辦已陳
于所司及鎮守總兵官未有處分

上諭行在兵部臣曰軍官托故去職委事于吏而鎮
守總兵官亦皆不理其速令簡諸不急差遣者悉
取還衛如托故不還及執留不遣者悉罪之置
雲南東廠長官司仍隸緬甸宣慰司時緬甸宣慰
^使司者得謀欲殺當蕩頭目新把的而奪其地新把
的遣子莽只來朝貢象馬方物奏乞置司授官庶
免侵殺之患從之遂置東廠長官司就命新把的

為長官東廠者其地之名也

已酉

以明日下元節遣衛王瞻埏祭

長陵

獻陵

大明宣宗章皇帝實錄

宣德八年冬十月庚戌朔享

太廟遣中官祭司井之神置雲南曲石高松坡

馬緬三巡檢司初兀甸長官司言曲石高松坡馬

緬其地山高林深寇盜出沒人民不安乞置巡檢

司以通事楊資楊中范興為巡檢下三司及巡按

御史審勘至是奏以為便遂置三巡檢司命資等

為巡檢資于曲石中于高松坡興于馬緬置雲

南鈕元長官司鈕元五隆諸寨古和泥之地時其

酋任者陀址等朝貢至京皆奏地遠夷民蕃多請

設官授職以總其衆行在兵部請併五隆于鈕元
設鈕元長官司從之遂以任者為長官陀址等為

副

辛亥

命故濟州衛指揮同知侯興子剛府軍左衛指揮同
知朱勝子能羽林前衛指揮同知李敬子通金吾
左衛指揮同知胡得子英燕山右衛指揮僉事張
義子能俱罷職置雲南麓川平緬戛賴驛土官
驛丞一員行在大理寺奏蘇氏女嘗父當絞蘇蓋
錦衣衛軍匠蘇惟善之女嫁辦事官何儉四年儉

病故死惟善賣已屋就女居女將送夫喪婦葬其
鄉惟善不聽婦又欲盡取儉遺財女不從父怒毆
之又不得惟善遂告女嘗父法司議女當絞
上曰彼送夫喪婦葬是理之正而父之所為皆非正
亦不聞女有非理言何以論絞此女釋不問俾婦
夫喪

壬子

命故孟定知府罕顏法弟力祿孟灣甸知州刀景項
弟景辦法各繼兄職

癸丑

廣西思城州土官趙福惠遣族人趙文四川石柱
宣撫司舍人冉才英等來朝貢馬 以木邦麓川
平緬緬甸三宣慰司孟定景東烏撒三府威遠廣
邑鎮康灣甸南甸大侯勝衝七州滋江安撫司平
壩茶山瓦甸孟連四長官司土官各貢象馬方物
遣內官雲仙等賫勅往撫之賜之紵絲紗羅絨錦
有差時木邦宣慰罕門法奏麓川平緬宣慰使思
任發等據占境土思任發反緬甸宣慰莽得刺亦
奏罕門法稱兵入境侵犯孟連長官司復奏孟定
南侵占其地

上命總兵官黔國公沐晟及雲南三司巡按御史公
其是非明與剖決復孟孟養宣慰司以故宣慰刀
木旦子刀孟塾為宣慰及同知刀王賓同撫軍民
如舊貢賦

甲申

置雲南緬甸阿瓦驛土官驛丞一員 賜暹羅國
使臣坤思利弗等練帶羅絹綿布及金織羅衣有
差僮從賜胖襖等物賜坤思利弗等冠帶仍命賫
勅及文錦紵絲紗羅帟賜其國王 建州衛指揮
僉事哈刺未朝奏願居遼東安樂州賜金織羅衣

鈔布仍命遼東都司給房屋器物如例 廣西左
布政使童謨卒謨字尚宏浙江黃巖人初為廣東
番禺知縣永樂初以求賢舉陞泗州知州召脩永
樂大典書成陞兵部郎中又預修性理大全等書
陞山東左布政使後調廣西至是以疾卒謨儒者
為政慎廉然無及人之惠云

乙卯

賜潘王妃趙王妃金冊先是潘王自武鄉王罷爵趙
王自安陽王罷爵皆已授冊而其妃未授至是皆
授之命武驤左衛指揮高通武驤右衛指揮僉事

馮麟總武驤騰驤左右四衛養馬軍士仍各管本
衛事 夜有流星大如雞彈色青白有光出星宿
東南行至濁

丙辰

少師吏部尚書蹇義少傅兵部尚書兼華蓋殿大
學士楊士奇歷官三考皆賜勅獎諭勅義曰卿歷
事

祖宗于今四紀始擢禁近進政本之地學廣識明小
心恭恪老成忠厚端靖和平有重臣之体若佐仁
考于監國尤積勞動忠貞之褒玉音孔肆彰朕績

承式資贊輔忠言讜議累效厥成致治保民孜孜夙夜卿同斯志謀猷入告裨益為多今考九載之績深用嘉念特宴勞于禮部仍賜勅獎諭於戲朕惟

祖宗之付畀允篤于敬罔敢怠忘亦惟

祖宗之舊臣同德心是毘是力卿尚益懋于誠益儆于終庶幾共光我

祖宗之洪業欽哉

起復四川茂州知州陳敏仍舊

任時敏以親喪去官本州岳希達長官司長官血只同靜州隴木頭長官司長官并各寨寇民一百

七十餘人奏言茂州僻處邊方萬山之中與松潘壘生溪番接隣累歲皆被其害自知州陳敏到任恤人民制馭生番然後各得安業今敏去任民失所賴願令本官復任通政司以聞故有是命

丁巳

夜有流星大如盃色赤光燭地起天陰西北行至閣道

戊午

諭行在工部都察院錦衣衛五城兵馬司曰今內官內使徃徃在外私作宮室宜皆究實具名以聞其

應給者給之不應給者悉入官

已未

置雲南騰衝州僧正司僧正一員命土僧為之行
在刑部左侍郎樊敬致仕敬山東鄆城人由進士
為春坊司諫陞行人司副再陞鴻臚寺卿廣東叅
政還為通政陞刑部左侍郎敬通敏善幹濟歷事
四朝更多任使至是以疾乞致仕從之

庚申

吏部右侍郎致仕王讓平讓益都人由國子生授李錄
母喪廬墓三年陞國子助教

太宗皇帝嘉其孝行令侍

上講學讓于書解析詳明言行有誠

上為皇太子陞右春坊贊善

上即大位陞吏部右侍郎嘗奉命督賦鎮江諸郡吏
民皆戴其德後以疾命致仕至是卒訃聞賜祭讓
有儒者矩度在吏部雖無所建明然篤于自守人
莫得而議之

辛酉

永平府知府李文定奏總兵官都督僉事陳敬縱
吏屬多支糧料強取民馬奪民財物勅責敬曰胥

吏貪虐乃其常情願在馭之者有道耳果能正已率之其弊自革掾史屈真等所為非法皆尔不能已正以率之也今錄其所犯付尔觀之即將真等究治尔宜躬飭禮法戒戢下人毋為民患

壬戌

命造信符給雲南大侯州

癸亥

給楚府鎮國將軍季坤季坡季城歲祿各千石于湖廣布政司米鈔中半兼支 夜五鼓有流星大如鷄彈色赤尾跡有光出氏東行至游氣晚刻太

白星犯^亢第二星

乙丑

以符忠得為廣東瓊山縣土官主簿忠得故土官主簿符忠順之弟嘗招撫黎人向化忠順卒黎人奏乞忠得管屬行在吏部以其非世襲土官

上日土人既已信服其^後之遂命為主簿 夜有流星大如雞彈色赤有光出營室西行至濁

丙寅

賜四川石柱宣撫司舍人冉才英等廣西思城州土官族人趙文等鈔綵帶表裏有差 迤址頭目伯

顏帖木兒阿的迷失等土魯番城回回伯顏帖木兒等來歸奏願居京自效賜紵絲絨衣鈔布仍令有司給房屋器物如例 改雲南金齒永昌千戶所為潞江州隸雲南布政司以千夫長刀珍罕為知州刀不浪班為同知 滿剌加國王西里麻哈刺者率家屬來朝至南京襄城宿李隆以聞

上以天寒命隆且令于南京休息加厚待之候春暖來朝別遣人賞勅勞王賜王及妃并頭目下至僮從文綺絨衣綿布靴襪胖襖等物悉備 平江伯陳瑄字彥純直隸廬州合肥縣人自少機警

有智畧善騎射初隨父官成都以舍人叅侍大將屢試以事甚見獎重龔父職為成都右衛指揮同知率所部兵會雲南兵討小百夷力戰敗賊復討番寇賈哈刺主將使瑄將輕兵從間道龔賊若破之獲其首械送京師陞四川行都司都指揮同知尋陞右軍都督僉事建文中命瑄總舟師江上防禦

太宗皇帝舉兵靖內難至江北瑄以舟迎濟授奉天副運宣力武臣特進榮祿大夫柱國封平江伯食祿一千石賜白金鈔幣追封其三世永樂中歲董

漕事初率舟師由海道運糧百萬石以給北京及
遼東又建百萬倉于直沽築天津城四年歸至沙
門島遇倭寇追剿至全州白山島後數倍倭海上
十年復領海運十一年築通州捍海堤時朝議以
海運艱險浚山東舊河通北京垣建造平底淺舟
以運人便之歲增運至三百萬石又建議于淮安
城北開清江浦由管家湖築堤入鴨陳口以達清
河免度填及風濤之患又緣管家湖十餘里以畜
水益河且便行者于清江浦河上及徐州臨清通
州皆置倉受糧以次轉疏儀真瓜州填下渠淤金呂

梁徐州洪傍亂石于乃陽湖南望湖皆築堤緣河
多置閘以時開泄利舟楫凡所經營具有條理洪
熙初言經國利民七事曰重基本擇賢良甦民力
興學校整軍伍謹邊備定漕運

仁宗皇帝嘉之降勅獎諭賜鈔幣命子孫世襲伯爵
至是有疾

上賜勅慰諭遣名醫往視瑄自知不起封上所受制
命及漕運印遂卒訃聞

上悼惜之輟視朝一日追封平江侯謚恭襄賜祭命
有司治喪葬

丁卯

朝鮮國王李禔遣陪臣許之惠等來朝貢方物恭
順侯吳克忠奏每歲祿米于南京倉閩支運載遠
而家口衆乞于北京倉支米三分

上命行在戶部歲于北京支米二百石不為常例
開平衛指揮使杜衡奏獨石城垣未甃砌請發本
衛及備禦官軍于附近各處衝口挑築墻壕以備
不虞

上曰今天寒地凍難施工比春又有農務亦不可興
後候來歲秋獲後以漸為之

戊辰

恭寧衛都指揮使大脫赤兀者左衛指揮僉事阿
等來朝貢馬 改河南布政司右叅政周銓為行
在通政司左通政仍食叅政祿 脩南京鍾鼓樓
已巳

特賜故左春坊左庶子鄭緝及其妻諡命時緝之
子循為翰林院待詔當勅授命上疏自陳臣父緝
先任翰林院侍講事

太宗皇帝後兼左春坊左中允事

仁宗皇帝于春宮歷二十餘年陞左春坊左庶子卒

欽惟

皇帝陛下以孝治天下恩同天地凡推恩群臣必寵
及父母賜之誥勅顧臣二親不幸早歿不獲生受
誥命之榮今臣秩卑于例不應得封贈伏乞矜憫
愚誠而特賜之臣不勝存沒感恩之至
上諭行在吏部尚書郭璉曰永樂八年

皇祖徃徃胡虜命朕居守北京時緝恒在左右所言
皆正蓋良臣也其特與之勿為例

庚午

哈密打刺罕火者阿老丁雲南廣通縣把事高泰

等來朝貢馬 福建崇安縣上杭縣皆奏人民缺
食已借預備倉米驗口賑濟候秋成還官各具數
聞

辛未

置雲南潞江州吏目一員設本州清水關巡檢司
置土官巡檢一員

癸酉

日上生背氣一道色青赤鮮明

甲戌

南京太僕寺言鳳陽各處每歲所償馬皆從兵部

驗過發典牧所送御馬監印烙其間乳馬胎駒踏
經千有餘里過淮渡江往復甚艱今北直隸償馬
俱從太僕寺印烙乞循北例以便民從之 昏刻
熒惑犯壘壁陣西地七星夜有流星大如盃色青
白光燭地起天廩西南行至天苑

乙亥

賜朝鮮國使臣許之惠等絺幣絹布及紵絲絺衣有
差

命工部及浙江江西福建廣東四布政司鑄宣德通
寶錢十萬貫

丁丑

泰寧衛都督僉事拙赤遣指揮僉事扭林烏思藏
國師乃爾丹谷爾麻結的等來朝貢馬

戊寅

命總兵官都督劉廣鎮守都督劉昭太監王安問罕
東番寇劫殺使臣之罪先是朝廷遣中官賫勅及
賜幣使西番千戶吉祥同安定衛指揮虎都卜花
以兵護送至亦克為罕東衛番寇剽兒加等所邀
殺傷官軍劫奪勅書賜幣及駝馬器械事聞

上勅廣等曰朝廷敕西寧罕東建立兵衛設官統屬

而此輩野性不馴見利即動論其情罪實難容之
爾等當審度事宜從長規畫詰問其過毋長寇賊
毋虧國體
已外
哈密等處打刺罕九思谷馬黑麻忽先撒馬兒罕
打刺罕亦速等來朝貢馬

大明宣宗章皇帝實錄

宣德八年十一月庚辰朔

以明日冬至遣衛王瞻埏祭

長陵

獻陵

欽天監進宣德九年大統曆

上御正朝受之給賜諸王群臣頒行天下 賜百官

節假三日 昏刻有流星大如盃色赤有光出天

倉東北行入參

辛巳

冬至

上御正朝受賀大宴文武群臣及四夷貢使

皇太后皇后 免文武群臣命婦朝

壬午

永興王妃陳氏薨遣官賜祭命有司治葬事 行

在兵部奏舊制公務急者給驛馬無符驗不給今

太僕少卿劉寧言北直永濟等驛見都指揮蕭

敬指揮李英遣人于太監劉通處計事輒署文牒

令馳驛馬且詢之各驛類此者多以故馬無停息

往往羅死請揭榜嚴禁約從之

癸未

賜泰寧等衛都指揮使火脫赤等一百二十人兀

者左衛指揮僉事阿哥等鈔綵幣絹布及紵絲襲

衣等物有差

甲申

湖廣保靖軍民宣慰司土官舍人彭南木彪建州

衛僧出思班等來朝貢馬 南京大僕寺送南直

隸宣德五年孳生馬六千三百六匹至命御馬監

擇其良者調習餘付順天府民牧養

乙酉

陞署左軍都督僉事指揮同知王瑜為都指揮僉事充副總兵專督餉運勅瑜曰今陞尔為都指揮僉事仍署左軍都督僉事佩漕運之印充左副總兵命叅將都指揮僉事吳亮充右副總兵同督餉運赴北京其体朕愛恤軍民之心心公廉勤慎以副委任凡事須同議至當然後施行毋執偏見以悞事賜朝鮮國王李禔五經四書大全諸書初王奏欲遣子弟詣北京國學或遼東學校讀書

上嘉之故賜之書且勅禔曰王欲遣子入學具見務善求道之心但念父子遠違情不相捨兼山川隔

遠氣候不同或致不安不若就本國中務學之便也今遣書賜王以為教子弟之資王其体朕至意賜哈密打刺罕火者阿老丁兀思答馬黑麻忽先及撒馬兒罕打刺罕亦速烏思藏國師乃尔丹答你麻結的雲南廣通縣把事高泰等鈔絲幣表裏紵絲襲衣等物有差

丙戌

賜泰寧衛都督僉事拙赤所遣指揮僉事扭林等絲幣及紵絲襲衣有差仍遣扭林賚勅及絲幣表裏歸賜拙赤

丁亥

勅廣西總兵官都督僉事山雲尔前奏慶遠府莫往
吉利吉利等峒賊首肅公穰黃公帳等五十餘人
流劫已命隨宜處置今南丹州又以為言則是尚
未處置受害之民望官軍如旱望雨豈宜稽緩朕
俟捷奏毋致寇滋

戊子

朝鮮國王李禔遣陪臣補安臣等貢馬及方物賀
皇太子千秋節雲南羅次縣土官知縣楊正遣姪易
英來朝貢馬

巳丑

行在戶部奏萬全都司所屬宣府左等衛所旗軍
月支口糧多寡不一且屯田被災請以宣府各衛
所及山西行都司天城等衛旗軍月糧定作一例
有家小者月支米六斗無者四斗五升老幼三斗
從之

庚寅

皇太子千秋節免賀禮

辛卯

曉刻太白犯罰星

壬辰

廣西泗城州土官知州岑豹遣族人岑太亦力把里打刺罕阿力等來朝貢馬

賜朝鮮國使臣朴安臣等綵幣絹布及織金藤衣等物有差

癸巳

江西械解至長河洞寇首朱南鵬

上命三法司審覆無寃遂斬於市 夜五鼓有流星大如鷄彈色青白尾跡有光出北河東行入文昌乙未

開平哨備都指揮僉事汪貴奏請如舊設照寧閔安威虜環州四堡撥軍瞭守

上諭行在兵部臣曰開平官軍已移入獨石赤城屯戍留守開平者不過千人若設四堡又當增兵多地遠供給艱難其令陳濬熟計何者為便其實以聞

丙申

備禦永寧等處都指揮韓鎮等奏本衛軍士于各隘口瞭望者所給皮裘狐帽久皆敝壞近工部以本衛為口內不給軍士無以禦寒乞如舊例

上謂行在工部曰永寧近邊瞭望士卒不給皮裘甚
無謂今天正寒其速運往給之

丁酉

金吾左衛指揮使李興子安金吾右衛指揮使陳
安子端指揮同知劉昇弟俊指揮僉事李滿弟勝
旗手衛指揮同知陳廣子通燕山右衛指揮同知
唐信子廣金吾後衛指揮僉事焦英子玉俱罷職
濟陽衛指揮同知孫亮老疾命其子敬代
已亥

掌左軍都督府事武進伯朱冕言比遣舍人林寬
等送囚百七十八人戍遼東到者僅五十人餘皆道
死請罪之

上怒曰此必在途肆楚毒索財物不得則致之死不
然何死者之衆命付法司究治蓋時犯重罪者
上不忍悉誅擇其情之稍輕者發戍遼東慮其逃逸
故遣人解送而送者多嚴刑重錮迫之死而掩其
有資聞者皆切齒及是命罪寬等莫不欣快

辛丑

湖廣麻察千戶所故土官舍人向宣來朝貢馬
賜雲南羅次縣土官舍人楊英等鈔幣絹布及紵

絲襪衣有差

甲辰

命尚書蹇義楊士奇楊榮郭璉胡茨選前科進士取其文學之優者得徐理賴世隆吳節李紹姜洪虞瑛潘洪王玉陳金劉實鄭建方熙何瑄十三人義等以聞命改庶吉士同琦等于翰林進學凡賜給悉如例仍命學士王直訓督士奇榮時加考較務臻實效 日上生背氣一道色青赤鮮明

乙巳

罕東衛番人納麻失加瓦刺韃靼若出迤北和寧

王部屬把禿不花者顏帖木兒等來歸皆奏願居京自效命為所鎮撫等官賜冠帶金織襪衣練帶銀鈔綿布鞍馬有差仍命有司給房屋器物 日

丙午

陞泰寧衛頭目火脫赤朵顏衛都指揮同知完者帖木兒福餘衛指揮同知火兒赤俱為都指揮使孝陵衛軍匠陳完一等奏永樂十六年起赴北京營造恭荷

太宗皇帝

仁宗皇帝思昔凡皇陵孝陵二衛軍匠悉遣守陵無
令別差已著為令近行在工部以逃匠坐取至京
乞與分理
工顧尚書吳中曰今無大營造而天下工匠至者動
以萬計孝陵軍匠幾何况先朝已有優免之例
爾復役之是不知有

祖宗陵寢其悉遣還既而顧侍臣曰工部不得人如
此今但為

祖宗所用之舊臣宴容之耳順天府府尹李庸言此
奉命修築橋道而豪勢之家占據要路私搭小橋

邀阻行人擅取其利請行禁革

上曰豪勢擅利至此將何所不為命行在都察院揭
榜禁約不悛者具以名聞臣夜有流星大如盃色
青白光燭地起軒轅西北行至文昌南京地震有
聲如雷

丁未

改雲南金齒廣邑州隸雲南布政司以前永昌千
戶所百戶奔賽為州同知

戊申

迤址和寧王阿魯台遣使臣賽的臣顏不花等來

朝貢馬

已酉

上謂行在吏部尚書郭璉等曰在外庶官亦必有文學可取者朕欲得其人用之卿其為朕選擇以來明日璉引六十人入奏

上命文傳楊士奇楊榮出題試于廷中擇其優者知縣孔友諒進士胡端履廖莊宋璉教諭黃純徐惟超訓導姜昇七人以聞令吏部改進士為庶吉士與知縣教諭俱歷事六科以備用

大明宣宗章皇帝實錄

宣德八年十二月庚戌朔

上省郊祀牲

壬子

賜湖廣保清軍民宣慰司舍人彭南木等處廣西泗城州土官族人岑泰等建州衛僧出思班亦力里把里打刺罕阿力等鈔綵幣表裏有差 甘肅總兵官都督僉事劉廣奏近胡寇犯涼州永昌造涼州衛指揮使李榮等追擊至亦卜刺山力戰敗之斬首寇督父子及其黨八十餘人生擒三十餘

人謹以獻京師

上命下錦衣衛獄廣併上榮等功狀

上命行在禮兵部議陞賞于是議奏陞榮為都指揮
僉事甘州指揮同知王傑山丹衛指揮同知鄭鉉
涼州衛指揮同知聶忠為指揮使涼州衛指揮僉
事俞銓甘州左衛指揮僉事可可木兒為指揮同
知正千戶索羅台為指揮僉事副千戶王敦永昌
衛副千戶毛哈刺為正千戶甘州左衛鎮撫劉傑
為副千戶涼州衛舍人吳文質為百戶其對敵交
鋒生擒計斬寇首者都指揮每員鈔一千貫綵幣

二表裏指揮每員鈔八百貫綵幣表裏一千戶衛
鎮撫每員鈔六百貫絹二百戶所鎮撫等官每員
鈔四百貫絹二旗軍人等每人鈔二百貫綿布二
其隨征策應者都指揮每員鈔六百貫絹二指揮
每員四百貫絹布各一千戶衛鎮撫每員三百貫
綿布二百戶所鎮撫每員鈔二百貫綿布一旗軍
人等每名一百貫綿布一其餘有一人生擒一寇
及斬首一級二人三人共斬首一級者官加賞絹
一鈔一百貫旗軍人等每人加賞綿布一鈔一百
貫其隨征官軍雖無殺獲功者賞居有功之次

上從之又^嘉廣之功遣勅獎諭賜文綺衣一襲練帶
四表裏

甲寅西寧衛刺麻領真星吉烏思藏必力工瓦完卜管
著兒盤藏等來朝貢馬

命故羽林前衛指揮使高政子銘燕山右衛指揮使
巫亮弟啓行在金吾左衛指揮同知程海子鑑錦
衣衛指揮僉事張信孫禮俱罷職金吾前衛指揮
同知劉祥老疾命其子湧代之清平侯吳成卒
成初名買驢遼陽人洪武二十一年挈家歸附初

為永平衛總旗

太宗皇帝靖內難成率衆內附授百戶後以功累陞
至後軍都督府都督僉事後屢從征迤北追斬韃
賊并獲其生口馬駝牛羊甚衆

仁宗皇帝即位陞左都督洪熙元年以征剿北虜進
封清平伯宣德元年扈從平武定州二年又領軍
出塞外得捷三年又敗胡寇于寬河會州諸處既
還進封清平侯食祿一千五百石至是卒賜祭賻
贈營葬如例孫英嚴清平伯

太子太師掌戶部事鄭資卒資^字存性河南武安

人洪武乙丑進士初為戶部主事陞都察院右僉
都御史改北平布政司右叅議首言本司弊政陞
右叅政又陞左布政使

太宗皇帝舉義請內難資侍

仁宗皇帝守北京撫輯兵民供給糧餉悉心畢力不
畏強禦

太宗皇帝即位陞戶部尚書賜銀鈔文綺下俟例一
等命仍掌布政司事即建北京置刑部改刑部尚
書深見委任後罷刑部復為戶部尚書

仁宗皇帝嗣位嘉念舊勞寵賚彌厚命燕太子賓客

復念其久疾陞太子太師命致仕賜勅褒諭賜白
金百兩鈔二萬貫綵幣三十表裏免戶內稅糧差
役給^半俸終身

上嗣位時戶部奸弊日滋近臣有言資剛直庶勤雖
病足艱于步履可以坐鎮者遂召至命掌戶部事
免朝奏資祁寒酷暑必公坐署視事不廢考滿賜
宴禮部加鹽書獎勞至是以疾卒年七十三

上悼惜之罷朝一日命禮部賜祭工部賜棺營葬贈
特進光祿大夫柱國追封湯陰伯謚忠襄官其子
佑為戶部主事資平生一介不苟取既卒家無餘

贊云

丙辰

年赤丘蒙古衛宗思答兒等八人來歸獻駝馬奏
願居甘州自效從之命思宗答兒為百戶其餘俱
為所鎮撫賜冠帶紵絲襪衣仍命陝西行都司于
甘州左衛給俸

丁巳

臘節賜文武群臣宴

己未

昏刻有流星大如盃色黃赤尾跡有光出壘壁陣

後有數小星隨之東北行至濁

庚申

設萬全都司道紀司置都紀一員置山西行都司
山陰守禦千戶所馬邑守禦千戶所更目各一員
太和縣朵朶朶道紀司道會一員雲南大理府朵
朶朶道紀司都紀副都紀各一員 深州民進野

癸酉

辛酉

朝鮮國王李禔遣陪臣金益精等奉表貢馬及方
物賀明年正旦迺述北韃靼俺克等來歸奏願居京

自致命為千戶等官賜冠帶織金絨衣綵帶銀鈔
絹布鞍馬有差仍命有司給房屋器物如例

癸亥

命金吾等衛百戶劉祥率官軍五十一人往烏思藏
公幹賜鈔及金織紵絲衣細絹衣有差

甲子

魯王肇輝妃嚴氏薨遣官賜祭命有司治葬事

命大同總兵官武安侯鄭亨發軍士七千七百人支
獨石倉糧料一萬二千七百二十石運赴開平仍
遣官軍護送

乙丑

陝西岷州衛刺麻剌掛堅藏等來朝貢馬以考績
平等調山東右布政使石執中于浙江布政司以
考最陞浙江杭州府知府盧玉潤為廣東布政司
左叅政湖廣長沙府知府鄒統廣西布政司左叅
政復楊俊直隸池州府知府劉蘊河間府通判陞
從五品祿改政直隸宿州判官徐拱辰福建懷安
縣知縣俱陞從六品祿皆以任滿其民奏乞留之
故有是命 增置山西解州長樂巡檢司河東陝
西都轉運鹽使司奏本司所轄鹽池闊遠東西二

場所收鹽并池鹽生結之時常有賊盜原設解州
鹽池巡檢司巡捕不周請于四場添設長樂巡檢
司遂行在兵部移文山西陝西二布政司覆勘至
是奏以為宜遂增置焉

丙寅 立春順天府進春

上御正朝受之文武群臣行賀禮遂賜宴

丁卯

參將都督僉事陳濬奏獨石城臨極邊而城中官
軍乃調開平哨備乞留三百人守城別于蔚州等

衛調三百人代往開平從之

戊辰

安定王亦攀丹遣弟却失加黑巴阿端衛指揮卜
谷虎遣弟把都卜花的里木地刺麻堅著兒罕東
衛故指揮綽兒吉子川班兒加革巴簇使臣領占
黑巴等來朝貢馬 賜湖廣麻寮千戶所故土官
舍人向宣烏思藏必力工瓦完卜管著兒監藏等
欵絲幣表裏有差 直隸鳳陽府知府熊觀言本
府臨淮河洪武中商賈衆多故設長淮廣濟上閘
給印記閘置大使一員副使二員收掌戶部所給

勘合書填商船貨物送稅課司徵稅永樂中新開
會通河商船多自淮安清河經濟寧臨清赴北京
而二關商船遂少稅亦不多官考滿者止關填過
勘合別無功績請減副使二員以省冗費從之

己巳

朝鮮國王李禔遣陪臣李正寧等奉表貢馬及方
物謝賜綵幣恩 夜有流星大如盃色青白尾跡
有光出紫薇西蕃外行至濁

庚午

迤北和寧王阿魯台使臣賽的卜顏不花等陞辭

初朝臣皆言比虜寇答卜等犯涼州為邊將所殺
皆阿魯台部屬請拘其使而後發兵問罪

上曰阿魯台歸心已久

祖宗撫之亦厚未可遽以細故廢前恩且彼以好來
而此以罪執之非所以懷遠人又其部下今散亂
不相統屬遠在涼州作過阿魯台亦不能制也其
來使宜善待之于是遣百戶脫孫送賽的卜顏不
花等歸并勅阿魯台曰朕統御天下綏輯之人無
間遐邇今士馬甲兵之富足以征伐然備之而不
用者慮傷物也王久輸誠款朝廷恩待亦厚比者

京州之寇于國家無大損而元徒自取屠戮則亦
天道之禍淫也今使者之來群臣皆請執而罪之
朕念彼為寇者違王之令或離王遠王未必知王
雖或知未必能制故力拒群言禮待使者不改故
常然自今王更宜申嚴約束令部下之人安分循
理庶幾永遠相好也今賜王銀衣練帶至可領之
巡按山東監察御史張聰言遼東之地南拒倭
寇東連高麗北控胡虜為國家藩維兵政不可不
修備禦不可不嚴近年軍衛頭目耽于晏安忽于
邊務謹陳所宜四事一曰軍士在戍者少市匿者

多皆因軍官貪虐所致其山海守關之人不惟失
于盤詰且有容縱之私是以卒伍曠缺邊衛空虛
乞勅軍衛修舉兵政守法奉公仍選老成公庶文
官鎮守山海設法盤詰巡捕二曰各衛旗軍畏避
管事往往托以公差採備招諭等項為由有將百
戶所印令總小旗署掌又別選小旗作管營名目
那移作契搭剋軍士逼令亡匿除從實公差之外
乞嚴勘其餘官旗非要切差遣者選軍代回視事
不許擅立名剝削害軍三曰海州衛軍舊有定數
今閱教場令廢操練守門者止二三人守山海關

僅五六人又南海口舊置官軍一百三十人今有
者惟老疾軍^五人比詢指揮使俞通等皆稱各軍
俱有遣差苟且支吾乞令兵部計議定奪守城把
關及操練正軍實數時常操習閱視以固守城池
關隘四日遼東軍士多以罪謫戍往往有亡匿者
皆因編發之初奸頑之徒改易籍貫至衛即逃此
及勾追有司謂無其人軍伍雖缺乞勅鎮守遼東
及都司官查錄諸衛逃軍姓名籍貫送都督府兵
部清理改^四政以憑勾取今後凡有發充軍者府部
審實造冊類發都司別填勘合遣人管解照冊審

實收發定衛充軍而以發道衛所造冊回報兵部
以其得罪充軍之由及其所成衛所移文原籍官
司庶使奸弊禁革軍無埋沒悉從之

辛未

賜建州衛奏事指揮僉事乃刺等練帶表裏有差
壬申

命赤城備禦都指揮僉事萬貴還松潘貴先守松潘
有罪調赤城至是四川總兵官都督方政言貴善
治軍事重人信服請復前任從之四川烏蒙軍
民府女土官撒姑遣把事王如松等貢馬

癸酉

賜朝鮮國使臣李政寧等練帶絹布及金織龍衣絹
衣有差 大同總兵官武安侯鄭亨奏大同諸衛
屯軍因春夏亢旱秋復早霜^麥穀無收老少飢窘
恐致失所已令大同都司自宣德九年正月為始
照例給月糧賑濟至月終^麥熟停止 陝西都指
揮同知閻俊有罪謫戍遼東俊掌寧夏衛事坐受
運糧民白金等物虛出通關事覓御史論罪當斬
上曰邊衛糧為此所^革革侵致軍士乏食論法豈可宥
但念其舊勞可追糧及贖宥其死杖一百發遼東

邊衛充軍

甲戌

遼東自在州指揮僉事阿剌孫女樂州故指揮僉
事捌若子牙升加蘿蔔山國師乃爾丹之徒完卜
革刺歲下等來朝貢馬及方物 行在工部右侍
郎羅汝敬有罪下獄初汝敬奉命往陝西提督軍
衛屯種受甘州諸衛金銀器皿等物諸衛盜屯糧
萬一千餘石汝敬匿不奏巡按御史劾之汝敬懼
乃首所受御史又言所受皆實至是汝敬還
上命行在都察院鞠之引伏罪應絞

上曰廟享在通姑繫俟春處決

乙亥

除京官過名勅行在刑部都察院大理寺曰今春
陽肇序歲事更新朕祇奉

天地

宗廟嘉惠于下凡在京見任文武大臣曾犯公私罪

名者並與滌除使飭勵自新毋蹈前過 修南京

宮殿及門

丙子

遣陝西肅州衛指揮韋文齋勅撫諭曲先等衛并

賜土官都指揮都力等練幣表裏有差 迺北頭

目脫歡及福餘衛韃靼脫脫來歸皆奏願居京自

效命脫歡為都指揮僉事脫脫等為試所鎮撫賜

冠帶織金衣練帶銀鈔絹布綿花鞍馬有差仍命

有司給房屋器物如例

戊寅享

太廟 以明日正旦遣衛王瞻延謁告

長陵

獻陵 遣官祭五祀及旗纛之神 給江淮濟川二

衛水軍一萬四千八百餘人胖襖各一 直隸徐

州

是歲天下戶口九百六十三萬五千八百六十

二口五千六十二萬八千三百四十六田地四百

二十七萬八千九百三十四頃四十九畝田賦米

粟二千八百九十五萬七千二百二十七石絲一

十八萬八百六十七斤綿二十三萬一千九百八

十七斤絹九萬一千六百二十七足布一十三萬

三十三足綿花二十四萬二千七百五十四斤折

色鈔七萬四千二百五十三錠雜課鈔三千六百

一十七萬三千六百七十七錠米麥六萬五千四

十四石有奇銀四千一百九十八兩銅二千八十

九斤鉄五十四萬五千一百六十八斤布二百八

十七疋鹽課鹽五百五十二萬六千六百六十九

折色鈔二千一百四十五萬三千七百六十七錠

米六十五萬八千二百六十四石綿布三萬四千

一百六疋茶課茶四十七萬一千七十二斤折色

鈔一萬五千七百六錠屯田子粒七百二十萬九

千四百六十一石採納金三百九十七兩銀三十

二萬五千一百三十六兩水銀三百五十斤硃砂

九百二十八斤有奇石綠四千三十一斤雄黃二

百二十五斤漕運北京米五百五十三萬一百八
十一石減免天下官田等項稅糧計米^麥一十八
萬二千三百七十八石有奇

...

...

...

...

...

...

...

